

Ecce mens variis fluctuat cogitationibus, te consiliatorem quasi portum firmæ c.787—796 stabilitatis sperans venire, sed ut video, longius a quiete optata fluctibus rapitur, in salo agitur, ad quem portum perveniet ignorans. Adsiduis tamen sanctitatis vestrae precibus dubitantem in cogitationum disceptationibus amicum, ad firmum divina conce-
 5 dente gratia salutis consilium deducere dignemini¹. Praesto est ubique pius sanctarum exauditor orationum, qui et fraternae dilectionis preces exaudire et in se sperantes Cf. Ps. 17, 31. spiritu consolationis sancto adiuvere^a solet. Ad illius dulcissimam clementiam erigamus spem nostram, simusque^b de eius opitulatione indubitantes, qui inluminat omnem hominem venientem in hunc mundum. Illum tota cordis intentione, tota animi affec- Ioh. 1, 9.
 10 tione incessanter deprecemur, ut inluminet nobis oculos interiores, ne umquam in Cf. Ps. 12, 4. morte ignorantiae obdormiamus.

Munera dilectionis vestrae tam laeto accepi^c animo, quam plena vos caritate dirigere cognovi. Sed quam laete ex muneribus mens hilarescit, tam tristis ex absentia vestrae beatitudinis ingemescit. Sed quid ad haec? Vivat caritas in Christo, sit
 15 praesens in spiritu, qui absens est in facie, donec Deo donante beata veniat praesentia, quae numquam finiri valeat. Dominus Deus in sua misericordia, in sua proficientes voluntate custodiat vos ubique, frater dulcissime!

60.

Alcvinus cum tribus amicis Paulino patriarchae Aquileiensi de litteris missis gratias agit. Petunt ut pro illo precetur. c. 787—796.

20 *Codd. T* fol. 89'—90, K 1 fol. 79—80, K 2 p. 226—228, A 1* p. 142—144 n. 102^a.
 Edd. C 66, Q 82, F 16, J 129. — Migne col. 172.*

OPTIMO TIMOTHEO² FILII BIS^b BINI, EVANGELICAE VERITATIS DISCIPULI^c, ET SANCTARUM^d QUADRIGAE VIRTUTUM³ FIDELIUM QUADRIGA AMICORUM, PLENA CARITATIS NAVE TRANS ALPINAS AQUAS DIRIGIT SALUTEM.

25 Accepimus dignitatis vestrae cartam, vere, ut agnovimus, caritatis floribus depictam ac mellifluo spiritalis iocunditatis sapore refertam⁴. Unde et nos, discipuli sanctitatis vestrae, in abundantia roriflui nectaris, quod ex eius gremio pleniter hausimus, refecti ac^e satiati^f, valde laetati sumus; agnoscentes caelestem^g caritatis thesaurum vestro sufficienter recondi in pectore; et affluenter inde per lata terrarum spatia flumina
 30 salutiferae doctrinae emanare^h et arida iustitiae fontemⁱ sitientium corda inrigare, Cf. Matth. 5, 6. non septigeno Niliaci^k fluminis gurgite⁵, sed septiformi sancti Spiritus inundantia⁶: Ioh. 4, 14.

^a) adiuvari S 1. ^b) simulque S 1*. ^c) accipi S 1.

60. ^a) Lemma: Epistola Albinus ad Paulinum K 1; Alcuinus ad quendam T*; Epistola Philippi ad Timotheum A 1*. ^b) Optimo Timotheo Philippus K 1, A 1*; Optimo theo fili bis K 2
 35 (Itaque scriptor codicis K 1 pro filii bis posuit Philippus; scriptor autem codicis K 2 pro Optimo timotheo posuit Optimo theo; Theofilo bis binę T* (filii om.). ^c) discipulo T*. ^d) sacrum T*. ^e) om. T*, K 2.
^f) satiati T*; satiata corr. in -ti A 1*. ^g) celeste K 2; caeleste T*. ^h) emittere T*. ⁱ) fonte K, T*, A 1*. ^k) Niliatici T*.

1) Haec scripsisse videtur Alcvinus, antequam in monasterium Turonense secedendi consilium cepit.
 40 2) Fuit Timotheus Pauli apostoli discipulus. (Cf. Pauli epistolas ad Timotheum.) Itaque propter nominis Paulini e Pauli nomine derivationem Paulinus est Timotheus appellatus. V. supra notas a. b. J. Praeter Alcvinum Arnonem quoque in partem huius epistolae venisse crediderim cf. carmina XVII et XVIII Poet. Carol. I, 239. 3) In Libri Carolini IV praefatione haec habentur: quatuor virtutes: prudentia videlicet, fortitudo, iustitia seu temperantia, humanam vitam honestissimis regulis moderantes
 45 esse describuntur, cf. Albinus De arte rhetor. dialog. c. 46 (p. 550 ed. Halm): in hac virtutum quadriga. 4) Cf. Carmen XVII v. 4 l. l.: Mellifluis nostras musis qui impleverat aures. 5) Cf. Verg. Aen. VI, 801: septemgemini . . ostia Nili. 6) Cf. Jaffé Biblioth. T. IV, 375 n. 2.